

SANITÉ: Le dotur Eduard Agreiter é demez dai 13 ai 17 de messé y vëgn sostitui dala doturia Grete Mahlknecht 349 06 67 034 / 0474 523 018

COMUN

Racoiüda dl refodam da tosser: al pó gní de jö en lönesc, ai 06 de messé, dan le magazin di stödafüch
a San Martin dales 09.00 ales 10.00
a Lungiarü dales 10.30 ales 11.30

Consulënza dla defensuria zivica en vëndres, ai 10 de messé, dales 14.30 ales 16.00 tla ciasa de comun da San Martin

PLOANIES DA SAN MARTIN Y LUNGIARÜ



Periun a d'intenziun dl Papa por le mëis de messé:
I periun che les families de nosc tēp vëgnes accompagnades bun cun amur, respet y de bugn consëis.

Mëssa Noela de siur Stefano Trevisan:

La Ploania d'Al Plan s'alegrëia da podëi festejé la Mëssa Noela dl Miscionar Combonian siur Stefano Trevisan.

Domënia 5 de messé, dales 10.00: Ingres dala calonia cun le primiziant y Mëssa solëna. Te dlijia pó ite 100 porsones (cun invit). La mëssa sará ince da odëi sön na gran televijiun pro paiun de paisc, che é sura la dlijia. Ara sará lapró da odëi en "streaming" te internet, sön le sit de Rai Ladinia www.raibz.rai.it/la/index.php

Al vëgn recordé che sides te dlijia co alaleria é da tigní ite les mosöres de precauziun scrites dant por le „coronavirus“.

Le primiziant siur Stefano Trevisan jará tl mëis de messé ince tles ploanies di posc zentrai di cin comuns dla valada a zelebré l'eucaristia cun les comunités
- la domënia ai 12 de messé a La Plí - la sabeda ai 18 de messé a La Val
- la domënia ai 19 de messé a S. Martin - la sabeda 25 de messé a Corvara
- la domënia, ai 26 de messé a Badia

PLOANIA DA LUNGIARÜ

Te na sentada cun i geniturs à le Consëi de Cöra tut adöm cun le ploan, la dezijiun da sposté la festa dla Pröma Comuniun a n'atra ota.

Curs de preparaziun al ejam de trilinguism: Le Sorvisc ai Jogn lascia alsavëi ch'al vëgn indö metü a jí le curs de preparaziun al ejam de trilinguism dai 24 ai 28 d'agost tres dales 19.30 ales 21.00 tl Istitut Ladin a San Martin cun la referënta Ulrike Frenademez. Le curs é por düc i interessá dai 16 agn insö y le cost é de 20 euro. Al é ciamó i ultimi posc a desposiziun. Iscriziun tres la plata di proiec: www.proiec.org.



Plata dles Ploanies San Martin y Lungiarü



siur ploan **Klaus Sottsas** 344 15 54 055 - klstottsas@rolmail.net
siur curat Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunita

05.07 - 12.07.20 nr. 32

14^a DOMËNIA IA POR L'ANN - A


Vangele do Matí 11,25-30

Te chël tēp à Gejù dit: I t'aprijëi, Pere, Signur dl cil y dla tera, ciodiche döt cant chësc ti aste ascognü ai sapiënc y ai scicà y ti l'as revelé ai pici. Scê Pere, insciö t'ära plajü.
Döt m'è gnü surandè da mi Pere; degügn ne conësc le Fi, mà le Pere, y degügn ne conësc le Pere, mà le Fi y chël, a chël che le Fi ti l'ò revelé. Gnide düc da mè, os ch'i se cruziëis y ch'i ëis tröp da portè. Iö ves darà palsa. Toledé mi ju sön os y imparede da mè; deache iö sun bun y umil de cör; insciö cïafarëise tria por osta anima. Deache mi ju ne drüca nia y mi pëis é lisier.

Gejù à de gragn problems cun i potënc y scicà da laota. Ai ric ti èl massa püre, ai scienzià massa scëmpl, ai devoc massa lëde. Y porchël prëiel Idî: I t'aprijëi, Pere, Signur dl cil y dla tera, ciodiche döt cant chësc ti aste ascognü ai sapiënc y ai scicà y ti al as revelé ai pici. Ala jënt scëmpla che ne conesciö nia y che n'è nia buna da osservé les 613 regoles dla lege di iüdes, ó Gejù ti dé na poscibilité: "Toledé mi ju sön os. Mi pëis é lisier."

Pro Gejù ne vára nia de lege mo dl spirit, nia de regoles mo dl amur. L'amur é n pëis lisier, saurí da se recordé mo nia tan da le pratiché. Insciö á i püri na chance, nia tl savëi, mo tl ester daverc a Chël Bel Dî. Ai é bugn da se lascé orëi bun da Chël Bel Dî, da reciöie so amur y da le dé reconescënc inant. Por chësc ól ester deplü fidënza tla misericordia de Chël Bel Dî, co miné da avëi la verité da nosta pert.



EDEMA LITURGICA	SAN MARTIN	LUNGIARÜ	I PERIUN DO VOCAZIUNS  Spirit Sant, tö Spirit de Dî, misterius y plëgn de creativité, descêda te nosta diozeja y te nostes ploanies tres indô danü la fede te Gejú Crist, le ressorí, le viënt, che nes inviëia sön le tru dl vangele. Incorajëia y renforza i jogn y les jones che ó se mëte sön tru y dediché súa vita deplëgn al sorvisc de Gejú Crist y de súa dlijia. Toli demez súa pisima y súa indezijiun, sc'al ti vëgn dit, ch'ai á ma da perde y n'ará nia la poscibilité da vire súa vita sciöch'al alda. Renforzi y armöii, Spirit Sant, scinchi la liberté da dí le scé dl amur, confidan che le tru cun Gejú, vi te súa dlijia, é n tru che i condüj ala plenëza dla vita. Spirit dl amur y dla verité, para demez da nosta diozeja, dales ploanies y dales families le stlet spirit dla ressignaziun y dla stanchëza, l'atmosfera dl sconfort y dla desfidënza. Scinca entusiasim y ligrëza da porté l'inom de Gejú Crist, da l'incunté ti sacramënc, da le testimonié tla vita, che súa usc sides da aldí y súa vita sides da odëi tres la dlijia. Tö Spirit creatur de Dî, te condüjes dala mort ala vita, fora dl nia aste cherdé le monn al'esistënza; fora de cristians jogn, porseghitá dala tëma, dala pisima y dal dübe, poste fá discepuí sigüsc, sc'ai se lascia orëi bun y condüje da te. Ví, Spirit Sant, tö tempesta dl amur de Dî, fá sintí to fle te nosta diozeja y descêda vocaziuns ti jogn y tles jones de nostes ploanies. Deura sü edli y so cör al gran tesur dl vangele: Gejú Crist! Amen. <i>do le vësko Reinhard Marx</i>
05.07.20 14ª DOMËNIA - ann A 10.00 Mëssa Noela a Al Plan <i>de siur Stefano Trevisan</i>	9.00 Corona por vocaziuns 9.30 Gran Mëssa por la Comunité y benedisciun dl tëmp ++ Tone y Monica Tolpeit + Hannele Videsott Flöss (de Fles)	7.55 Corona 8.15 Gran Mëssa por la Comunité y benedisciun dl tëmp en onù de Sant Ojöp Freinademetz	
06.07.20 Lönesc <i>Maria Goretti, Marieta</i>	7.30 Mëssa a Picolin <i>(cun don Francesco)</i>		
07.07.20 Dedolönesc <i>Claus, Edda</i>	19.30 Mëssa 2ª de sopoltöra + Tone Unterweger + Maria Dapunt Erlacher		
08.07.20 Dedemesaledema <i>Kilian y compagns, Edgar</i>	7.30 Mëssa a Picolin <i>(cun don Francesco)</i>	7.30 Mëssa families de Albina Mischi, Frëina + Pire Clara, Paur	
09.07.20 Jöbia <i>Veronica Giuliani</i>	7.30 Mëssa + Sepl Flöss, d'Arzó Püres Animes dl purgatore ++ dles families Costalunga, Planac Corona por vocaziuns		
10.07.20 Vëndres <i>Erich, Olaf</i>	19.00 Adoraziun chîta 19.30 Mëssa <i>(cun don Franceso)</i>	7.30 Mëssa ++ dla fam. Martin Clara + Felice Clara	
11.07.20 Sabeda <i>Benedët da Norcia, Olga</i>	7.30 Mëssa a Picolin <i>(cun don Franceso)</i> 18.30 Mëssa prefestia +++ Carlo, Maria y siur Richard Sottara dl ann + Erna Frenner, dl Jënder + Sepl Penazzi	20.0 Mëssa prefestia a d'intenz. y reng. de fam. Angel Sorà dl ann + Mattia (Ti) Clara + Albina Clara	
12.07.20 15ª DOMËNIA - ann A	9.00 Corona 9.30 Gran Mëssa por la Comunité y benedisciun dl tëmp 3ª de sopoltöra + Tone Unterweger + Moritz Castlunger (dl ann) + Ottilia Schanung Castlunger (dl ann) + Zita Pescollderungg Irsara, Josciara ++ siur Angel Morl. y siur Merch Gr.	7.55 Corona 8.15 Gran Mëssa por la Comunité y benedisciun dl tëmp aniversar + siur Fonjo Clara + frater Linus Mischi 11.30 Bato de Mira Engl Clara <i>(tla capela de Sant Ojöp)</i> 14.00 Bato de André Clara	